



In domënia ai 06 de aurì el gnü sughé la secunda partida de campionat por la squadra de 3ª categoria da La Val te cíasa cuntra le Niederdorf. Na partida dër combatüda, mo ala fin é La Val che à la miù y porta a cíasa la devënta cun le resultat de 1 a 0.

La partida mët man nia cis bun por la Val che se stënta dassën a fa jüch, le Niederdorf é plö iadi prigorusc dan la porta de cíasa. Na gran ocajiun dla squadra avversara é stada sön na puniziun. La bela trata röia sön la stangia de porta y le atacant avversar röia sön le pal rebatü, che vëgn por gran fortuna trat spo sura porta fora. I sogadûs da La Val se fej êrt a costruì les beles aziuns lasciades udëi dles partides passades y la presciun dla squadra avversara se fej sintì te vigni posiziun dl ciamp. Mo impò ti garêtel val ocajiun, üna de chëstes é Alex E. che à, sön n bel cross de Micky tira Alex na bela trata che ti rüva ados al portier. La squadra da La Val se adatëia ince al jüch dl Niederdorf, che süga tröp cun le pal por aria y insciö é ince i atacanó che stënta da tigni sö le pal.

Le arbiter sciūra le pröm tēmp y i sogadûs va a palsè a rēis inviolades.

I sogadûs de Floriani rōia te ciamp tl secundo tēmp plö determinà. Le gol toma bel do da püc menüć. Alex vëgn lancè sön la fascia y se indirizëia cuntra porta, le bel preparativ ti rōia a Micky che pò apogé le pal te porta. Insciö ciafa indo la squadra nōies forzes, al vëgn indo lascè udëi n bel jüch y i aversars vëgn antizipà deplö. Mo ara ne dūra nia dī che le Niederdorf lascia indô udëi sües forzes. N defensur da La Val se chërda le pal al limit y insciö é l'arbiter che sciūra la puniziun. La bela trata dl atacant dl Niederdorf abina la stangia de porta. Da alzè fora é dessigü la segurëza y les beles uscite dl portier Lukas E., che à fat na gran partida. Ince Adrian, apëna gnü te ciamp à sōa ocasiun, sön n bel assist de Emanuel D. röiel su dan porta, mo la trata basa vëgn deviada dal portier y va fora. I ultimi menüć dla partida é le pal ma plö da udëi tl'aria, la luziditè di sogadûs da La Val é ince diminuida y le bel jüch é dl düt asënt. Le arbiter mostra sō 6 menüć de recuper, te chësc tēmp ne él da recordè nia gran ocajiuns prigoroses da trames pêrts. La partida và insciö a piz sön le resultat de 1 a 0 por la squadra de ciása.

La Val davagna insciö por le cuarto iade cuntra le Niederdorf te chësta sajun. La squadra de Floriani à bel incuntè chësta squadra ai cuarti de Copa Provinzia, daulache ara à passè le turno.

La proscima edma é les 2 squadre a cé dla tlassfica che se incuntarà. La Val sugerà le derby cuntra Rina in dumënia ai 13 de aurì dales 16:00 fora de ciása.

MUDAZIUN DLA PARTIDA:

La data dl recuper dla partida cuntra le Sexten (nia sugada ai 23 de merz a gauja de nēi) é gnüda spustada, chësta partida gnarà sugada le proscimo mercui ai 16 de aurì dales 20:00 te ciása.

Formaziun titolara: Lukas Eder, Egon Frenes, Alex Alton, Paolo Vallazza, Marco Castlunger, Alex Elzenbaumer, Stefan Sottara, Romeo Rubatscher, Micky Frenes, Alexander Miribung y Emanuel Dorigo.

Alenadù: Floriani Claudio

Sostituziuns:

Max Nagler por Alexander Miribung (45^a menüt)

Werner Sottara por Marco Castlunger (65^a menüt)

Adrian Miribung por Alex Elzenbaumer (75^a menüt)

Por odèi i resultac dles atres partidas drüca [RESULTAC](#)

